



PORUKE Nikolas Hil govorio u SIPA-i o borbi protiv džihadista

Osigurati da se aktivnosti ISIL-a ne prenesu u BiH

Otpravnik poslova Ambasade SAD pohvalio sveukupne napore koje je BiH uložila u borbi protiv terorizma

Otpravnik poslova Ambasade SAD u BiH Nikolas Hil (Nicholas Hill) otvorio je jučer dvodnevnu radionicu "Borci na stranim ratištima" koja se u organizaciji FBI-ja i Međunarodnog programa američkog ministarstva pravde za obuke i pomoć u oblasti kriminalističkih istraga (ICITAP) održava u prostorijama Državne agencije za istrage i zaštitu (SIPA) u Istočnom Sarajevu.

Eksperti FBI

Učesnici radionice su direktori i rukovodioci sigurnosnih organa na svim ni-



Učesnici radionice: Policijski dužnosnici BiH slušali predavanje američkih i domaćih stručnjaka

voima u BiH i predstavnici Tužilaštva BiH, a predavanja drže stručnjaci FBI-ja i domaći stručnjaci u oblasti borbe protiv terorizma.

Nikolas Hil pohvalio je sveukupne napore koje je BiH uložila u borbi protiv terorizma i zahvalio SIPA-i i direktoru Goranu Zupcu, za kojeg je rekao da je ključni lider i saveznik u borbi protiv terorizma. Is-

takao je da radionica predstavlja priliku da se zajedničkim angažmanom odluči o najboljem načinu rješavanja problema stranih boraca u BiH.

- Vi, pripadnici agencija za provođenje zakona, imate zadatak da osigurate da se aktivnosti koje se provode u ime ISIL-a na Srednjem istoku ne prenesu ovdje u BiH, bilo protiv američkih, evropskih ili bh. institucija i građana - kazao je Hil.

Razmjena iskustava

Direktor SIPA-e Goran Zubac izrazio je uvjerenje da će radionica biti prilika za razmjenu iskustava i najboljih praksi stečenih tokom realizacije konkretnih ak-

ktivnosti u borbi protiv terorizma te da će ovaj skup doprinijeti unapređivanju i nastavku saradnje u ovoj oblasti.

Dodao je da je borba protiv terorizma jedan od prioriteta u radu Državne agencije za istrage i zaštitu, koja će odlučno i beskompromisno biti nastavljena.

Prisutne su pozdravili i ataše za pravna pitanja Ambasade SAD Luis Kvesada (Quesada) i direktor programa ICITAP-a u BiH Čarls Benet (Charles Bennet). Kvesada je zahvalio u ime FBI-ja na odazivu na radionicu koja je samo jedna u nizu te istakao da je ključ uspjeha zajednički rad za postizanje istog cilja.



HIL: Borba protiv terorizma je prioritet

Značaj zajedničkog nastupa

Direktor ICITAP-a Čarls Benet također je naglasio značaj zajedničkog nastupa u borbi protiv terorizma. Rekao je da je samo zajed-

ničkim naporima moguće sačuvati mir i sigurnost, ne samo u BiH i Evropi nego i u cijelom svijetu, saopćeno je iz SIPA-e.